



Međunarodni sud za krivično gonjenje
osoba odgovornih za teška kršenja
međunarodnog humanitarnog prava
počinjena na teritoriji bivše Jugoslavije
od 1991. godine

Predmet br. IT-08-91-T
Datum: 13. mart 2013.
Original: engleski

PRED PRETRESNIM VIJEĆEM II

U sastavu: sudija Burton Hall, predsjedavajući
sudija Guy Delvoie
sudija Frederik Harhoff

Sekretar: g. John Hocking

Odluka od: 13. marta 2013.

TUŽILAC

protiv

MIĆE STANIŠIĆA I STOJANA ŽUPLJANINA

JAVNO

**NALOG O RASPOREDU ZA IZRICANJE PRESUDE
I
NALOG O OKONČANJU PRIVREMENOG BORAVKA NA
SLOBODI MIĆE STANIŠIĆA**

Tužilaštvo

g. Matthew Olmsted
g. Alexis Demirdjian

Vlada Republike Srbije

posredstvom Ambasade Republike Srbije
u Kraljevini Nizozemskoj, Haag

Vlada Kraljevine Nizozemske

Odbrana

g. Slobodan Zečević i g. Slobodan Cvijetić za Miću Stanišića
g. Dragan Krgović i g. Aleksandar Aleksić za Stojana Župljanina

PRETRESNO VIJEĆE II (dalje u tekstu: Pretresno vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

IMAJUĆI U VIDU završne pretresne podneske strana u postupku, zavedene na povjerljivoj osnovi 14. maja 2012., čije su javne redigovane verzije izdate 12. jula 2012.;

IMAJUĆI U VIDU da su završne riječi iznesene, u skladu s pravilom 86 Pravilnika o postupku i dokazima Međunarodnog suda, od 29. maja do 1. juna 2012.;

IMAJUĆI U VIDU da je predsjedavajući sudija 1. juna 2012. proglasio pretres završenim i prekinuo suđenje kako bi se Pretresno vijeće povuklo na vijećanje iza zatvorenih vrata u skladu s pravilom 87;

IMAJUĆI U VIDU da je Pretresno vijeće 6. juna 2012. odobrilo privremeno puštanje na slobodu Miće Stanišića na period od tri kalendarska mjeseca i da je njegov privremeni boravak na slobodi produžen u tri navrata, 27. avgusta 2012., 19. novembra 2012. i 21. februara 2013.;¹

PODSJEĆAJUĆI da je u Odluci od 21. februara 2013. naloženo da privremeni boravak na slobodi Miće Stanišića ističe 6. juna 2013., "ukoliko [se] u međuvremenu ne odluči drugačije";²

PODSJEĆAJUĆI na jamstvo koje je 19. aprila 2012. dala Vlada Republike Srbije da će poštovati sve naloge Pretresnog vijeća "kako bi se optuženi pojavio pred [Međunarodnim sudom] *u bilo koje vrijeme*";³

NA OSNOVU članova 20 i 29 Statuta i pravila 54, 65 i 98ter Pravilnika o postupku i dokazima.

¹ Odluka kojom se odobrava Zahtjev Miće Stanišića za privremeno puštanje na slobodu, 6. juni 2012., par. 27 (dalje u tekstu: Odluka od 6. juna 2012.); Odluka kojom se odobrava Zahtjev Miće Stanišića za produženje privremenog boravka na slobodi, 27. avgust 2012. (dalje u tekstu: Odluka od 27. avgusta 2012.); Odluka kojom se odobrava Drugi zahtjev Miće Stanišića za produženje privremenog boravka na slobodi, 19. novembar 2012. (dalje u tekstu: Odluka od 19. novembra 2012.); Odluka kojom se odobrava Treći zahtjev Miće Stanišića za produženje privremenog boravka na slobodi, 21. februar 2013. (dalje u tekstu: Odluka od 21. februara 2013.).

² Odluka od 21. februara 2013., par. 13.

³ Zahtjev g. Stanišića za privremeno puštanje na slobodu, 27. april 2012., povjerljivi Dodatak B, str. 2 (naglasak dodat).

OVIM ZAKAZUJE izricanje presude u ovom predmetu za srijedu 27. marta 2013. u vrijeme i u sudnici koji će biti određeni;

NALAŽE Mići Stanišiću da se vrati u Pritvorsku jedinicu Ujedinjenih nacija do petka 22. marta 2013., čime se okončava njegov privremeni boravak na slobodi;

TRAŽI od Vlade Republike Srbije da obezbijedi da se Mićo Stanišić pod stražom prebaci iz Beograda, Republika Srbija, na neki aerodrom u Nizozemskoj i preda pod nadzor ovlaštenih službenika Nizozemske;

TRAŽI od Nizozemske da obezbijedi da se Mićo Stanišić pod stražom prebaci sa aerodroma pod nadzor Pritvorske jedinice Ujedinjenih nacija; i

NALAŽE Sekretarijatu da preduzme sve potrebne mjere, uključujući vezu s vladama Republike Srbije i Nizozemske, kako bi se omogućilo da se Mićo Stanišić vrati u petak, 22. marta 2013.

Sastavljeno na engleskom i francuskom jeziku, pri čemu je merodavna engleska verzija.

/potpis na originalu/
sudija Burton Hall,
predsjedavajući

Dana 13. marta 2013.

U Haagu,

Nizozemska

[pečat Međunarodnog suda]